

Fressed euers Geld !

Jedä Morgä uufstoh mit e`mene Lätsch im Gsicht
de Satan lüütet luut es chunnt die nögschti Schicht
go no schnell i d`Schiissi und putz mer d`Zäh
s`letschti bitzli Stolz cha mir niemer näh
Gruusig isch`s vorrus es macht mi gar nid aah
geschter han ich scho wieder e Bimbe gha

De Kafi isch heiss doch mir isch chalt
ich will moll öppis mache wo mir au gfallt

Es Auto lauft nid a, ich chumm scho wieder d`schpoht
und niemer interessiert wie`s mir so goht
d`Arbet isch en Scheiss so wie jede Tag
immer de gliichi Trott, es isch e Ploog

d`Fraue wänd mich nid , ha zwenig Gäld
diä Letschti hätt mich grad vor d`Türe gstellt

Am Obig bin ich dihei und glotz i d`Chischte
nur ganz selte wog ich mich uf d`Pischte
so vergönnd diä Johr und ich wird langsam senil
ich gönnt mir no en Schnaps aber scho mit Stil

doch dänn gib ich Gas und suuf mich voll
es isch truurig, doch ich find`s toll

mache e chli Sport und singe alti Hits
ab und zu verzelli au en Witz
i de Stammbeiz a mim beschte Fründ
dä wo nie bim Poker gönnt
mengmol zahlt er mir e Fläsche Bier
obwohl isch er doch selber stier

doch diä wo nüüt händ gänd umso meh
vomene Riiche han ich no nie en Rappe gseh

sie zelled ihri Nötli und sind asozial
wieviel Armi grad verrecked isch ihne egal
hortet ihri bluetige Aktie im Tresor
werded immer riicher und das Johr für Johr...

Fressed euers Geld – stopfed eu nu voll